



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e-mail: info@voda.ba

Broj: **UP-1/21-2-40-199-2/24**

Datum: **30.04.2024. god**

«Agencija za vodno područje rijeke Save» Sarajevo rješavajući po zahtjevu pravnog lica «EKO SERVIS» d.o.o. Tešanj za donošenje Rješenja o vodnoj saglasnosti za ispuštanje tehnoloških otpadnih voda u prirodni recipijent i za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za destilaciju, filtraciju i prečišćavanje otpadnih ulja, zauljenih voda i otpadnih emulzija u Poslovnoj zoni „Vila“, općina Tešanj, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj saglasnosti**

1. Pravnom licu «EKO SERVIS» d.o.o. Tešanj, daje se vodna saglasnost za ispuštanje tehnoloških otpadnih voda u prirodni recipijent i za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za destilaciju, filtraciju i prečišćavanje otpadnih ulja, zauljenih voda i otpadnih emulzija u Poslovnoj zoni „Vila“, na zemljištu označenom kao k.č. 10/15 K.O. Novo Selo, općina Tešanj, a na osnovu projektne dokumentacije:
 - Glavni projekat vanjskih hidroinstalacija – pogon za destilaciju, filtraciju i prečišćavanje otpadnih ulja, zauljenih voda i otpadnih emulzija, urađen od «IBIS» d.o.o. Zavidovići, broj: 13-IB-G/24, mart 2024. (revidovan od «TEAM HIDRO» d.o.o. Sarajevo, broj: 014-06-03/24, mart 2024.).
- Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.
2. Projektna dokumentacija navedena u tački 1. ovog Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog rješenja.
3. Vodna saglasnost se donosi na osnovu pregleda dostavljene projektne dokumentacije iz tačke 1. ovog rješenja, utvrđenog činjeničnog stanja i pod sljedećim uslovima:
 - 3.1. Radove na objektima i sistemu za prikupljanje, prečišćavanje i ispuštanje tehnoloških otpadnih voda izvesti u skladu sa ovjerenom projektnom dokumentacijom iz tačke 1. ovog Rješenja.
 - 3.2. Na odvodnom cjevovodu, neposredno iza separatora, izvesti posebno reviziono okno koje će služiti kao okno za uzimanje uzoraka (monitoring okno).
 - 3.3. U toku radova iskopani materijal se ne smije ni privremeno odlagati na česticu «vodno dobro», odnosno u vodotoke i na njegove obale.
 - 3.4. Sve kolizije sa postojećim infrastrukturnim objektima (vodovod, elektroinstalacijama, telefon i sl.), na lokalitetu na kojem će se vršiti predmetni radovi, ukoliko do takvih situacija tokom izvođenja radova dođe, prethodno će se rješavati uz saglasnost mjesno nadležnog operatera koji upravlja tim objektima i instalacijama i isti će dati tehničke uslove za izvođenje ovih radova.
 - 3.5. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim kao i postojeće korisnike voda.
 - 3.6. Podnosilac zahtjeva je obavezan ispoštovati uslove iz Rješenja o urbanističkoj saglasnosti broj: 12-19-6421/23 od 11.01.2024. godine izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona.
4. Ukoliko se u toku izvođenja radova i korištenja predmetnog objekta prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procijenjenu štetu nadoknaditi.

5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektu obuhvaćenim ovom vodnom saglasnošću, korisnik zaštitnih vodnih objekata nije odgovoran za nastale štete.
6. Po završetku izgradnje predmetnog objekta i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata («Službene novine FBiH» broj 31/15, 55/19, 41/20 i 63/22).
7. Investitor je obavezan pridržavati se svih mjera i uslova, propisanih u ovoj vodnoj saglasnosti i saglasnostima izdatim od strane drugih nadležnih organa.
8. Ova vodna saglasnost prestaje važiti istekom roka od dvije godine od dana njene pravosnažnosti ukoliko u tom roku ne bude pribavljeno odobrenje za građenje i započeta izgradnja.
9. Ovo rješenje o vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice «EKO SERVIS» d.o.o. Tešanj, svojim zahtjevom, zaprimljenim 17.04.2024., zatražilo je izdavanje vodne saglasnosti za pogona za destilaciju, filtraciju i prečišćavanje otpadnih ulja, zauljenih voda i otpadnih emulzija u Poslovnoj zoni „Vila“, na zemljištu označenom kao k.č. 10/15 K.O. Novo Selo, općina Tešanj, a u postupku pribavljanja odobrenja za građenje.

U provedenom postupku dostavljena je i pregledana sljedeća dokumentacija:

- Kopija Aktuelnog izvoda iz sudskog registra broj: 043-0-RegZ-23-003579 od 01.12.2023. godine izdatog od Općinskog suda u Zenici,
- Kopija Uvjerenja o registraciji poreznog obveznika od 26.10.2017. izdatog od Porezne uprave FBiH-Kantonalni porezni ured Zenica,
- Dokaz o uplaćenju upravnoj taksi,
- Kopija Rješenja o urbanističkoj saglasnosti broj: 12-19-6421/23 od 11.01.2024. godine izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja Dozvola za upravljanje otpadom i njegovo odlaganje broj: 12-19-01536/21 od 11.06.2021. godine izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Dopunskog rješenja dozvole za aktivnosti upravljanja otpadom i njegovog zbrinjavanja broj: 12-19-01536-1/21 od 02.02.2023. godine izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o prethodnoj vodnoj saglasnosti broj: UP-1/21-1-40-458-6/23 od 19.12.2023. godine izdatog od «Agencije za vodno područje rijeke Save» Sarajevo,
- Kopija Odgovora (načelna saglasnost na kanalizaciju) od 30.11.2023. godine izdatog od Službe za finansije, privredu, komunalne i inspeksijske poslove Općine Tešanj,
- Glavni projekat vanjskih hidroinstalacija – pogon za destilaciju, filtraciju i prečišćavanje otpadnih ulja, zauljenih voda i otpadnih emulzija, urađen od «IBIS» d.o.o. Zavidovići, broj: 13-IB-G/24, mart 2024. (na uvid i ovjeru).

Nakon uvida u dostavljenu dokumentaciju konstatovano je sljedeće:

- Pogon za destilaciju, filtraciju i prečišćavanje otpadnih ulja, zauljenih voda i otpadnih emulzija se planira graditi u Poslovnoj zoni „Vila“ u Tešnju. Ishodovana je urbanistička saglasnost za promjenu namjene postojećeg skladišnog objekta u predmetni pogon.
- Parcela na kojoj se planira graditi predmetni objekat se ne nalazi u vodnom dobru, poplavnom području vodotoka I kategorije, niti u području zaštitnih zona površinskih i podzemnih voda.
- Zauljene otpadne vode iz objekta će se sistemom kanalizacije, zajedno sa oborinskim potencijalno zauljenim vodama sa platoa, odvoditi na tretman u separator masti i ulja. Ispust prečišćenih otpadnih voda je, preko okna za monitoring, u rijeku Tešanjku.
- U slučaju incidentnih izlivanja masti i ulja u objektu izgrađen je bazen za incidentne situacije.
- Otpadna ulja, emulzije i slično će se skladištiti u objektu.

- Za predmetni objekat je ishodovana Dozvola za upravljanje otpadom od nadležnog ministarstva.
- Sanitarno-fekalne otpadne vode će se prikupljati u sabirnu jamu bez ispusta.
- Predviđeno je da se snabdijevanje vodom obezbijedi putem priključka na gradski vodovodni sistem.

Urbanističke uslove za izgradnju predmetnog objekta, podnosiocu zahtjeva je kroz izdato Rješenje o urbanističkoj saglasnosti propisalo Ministarstvo za prostorno uređenje, promet i komunikacije i zaštitu okoline Zeničko-dobojskog kantona.

Projektna dokumentacija, dostavljena uz zahtjev, urađena je i revidovana od strane pravnih lica koja imaju Ovlaštenje izdato od strane Federalnog ministarstva poljoprivrede, vodoprivrede i šumarstva.

U dokaznom postupku utvrđeno je da je projektna dokumentacija urađena u skladu sa uslovima iz Rješenja o prethodnoj vodnoj saglasnosti, izdatog od strane ovog organa, broj: UP-1/21-1-40-458-6/23 od 19.12.2023., te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju: Glavni projekat vanjskih hidroinstalacija – pogon za destilaciju, filtraciju i prečišćavanje otpadnih ulja, zauljenih voda i otpadnih emulzija, urađen od «IBIS» d.o.o. Zavidovići, broj: 13-IB-G/24, mart 2024., data vodna saglasnost na istu.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova, shodno odredbama člana 114. Zakona o vodama, te članom 7. Pravilnika o sadržaju, obliku, uvjetima, i načinu izdavanja i čuvanja vodnih akata.

Podnosilac zahtjeva je uplatio upravnu taksu u iznosu od 60 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta: Sanja Miličić, građ.ing.

Prilog:

- Ovjeren Glavni projekat vanjskih hidroinstalacija – pogon za destilaciju, filtraciju i prečišćavanje otpadnih ulja, zauljenih voda i otpadnih emulzija, urađen od «IBIS» d.o.o. Zavidovići, broj: 13-IB-G/24, mart 2024.

za Po ovlaštenju
Rukovodilac sektora za izdavanje vodnih akata

Haris Ališehović, dipl.ing.građ.



Dostaviti:

- «EKO-SERVIS» d.o.o.
Poslovna zona „Vila“, br. 41, 74260 Tešanj (prilog)
- AVP Sava, ISV-vodna knjiga
- ⊖ Sektor 40 – arhiva
- Oglasna ploča – AVP Sava